

Inatsisartut suleriaasiat § 37 naapertorlugu matumuuna Naalackersuisunut apeqqutit imaattut saqqummiuppakka:

Suliffeqarfissuarni Namminersorlutik oqartussanit pigineqartuni sulisunik atorfinitsitsisarnermi inatsisitigut piumasaqaatit saniatigut killiliussatut Naalackersuisuniit piumasaqaatinik peqarpa?

- 1. Suliffeqarfissuarni atorfinitsitaasartut kattuffinnut sulisitsisuniit pisortaniillu isumaqatigiissuteqarfigineqarsinnaatitaasunut ilaasortaasut sooq kattuffiit ilaasortaaffigisaat avaqqutiinnarlugit immikkut inuttut ataasiakkaarlugit isumaqatigiissuteqarfigineqartarpat?**
- 2. Kalaallit Nunatsinni Sulisussanik atorfinitsitsisarneq pillugu inatsisitigut piumasaqaataasunik Naalackersuisut sukaterilersaanngillat?**
- 3. Suliffeqarfissuit Namminersorlutik oqartussat pigisaasa sulisunik nutaanik atorfinitsitsisarnerat pillugu misissueqqissaarnissamik nalilersuisnissamillu Naalackersuisut pilersaaruteqarpat?**

(Inatsisartuni ilaasortaq Jens Immanuelson, Siumut)

Tunngavilersuut:

Ukiuni kingullerni arlaqalersuini malunnarsigaluttuinnarpoq namminersorlutik oqartussat allaffeqarfissuanni aammalu Namminersorlutik oqartussat suliffeqarfiutaanni sulisussatut atorfinitsitaasartut nunatta avataaneersut (Qallunaat) amerliartuinnartut. Tamanna nunatsinni Naalackersuinikut anguniagaasunut akerliulluinnarpoq, tassami anguniagaammat Kalaallit Nunatsinni najugaqavissut (Kalaallit) suliffeqarnermi atorneqarlutik amerliartuinnarnissaat.

Aammalu Sulisunik Siulersuisut Kattuffiat naapertorlugu paasinarpoq suliffeqarfissuit Namminersorlutik oqartussanit pigineqartut kattuffiit avaqqutiinnarlugit sulisut ataasiakkaarlugit isumaqatigiissuteqarfigisaraat, tamanna kattuffinnut paaseqatigiissutigineqartariaqarpoq.

Apeqquteqaatimma ullut suliffiusut qulit iluanni akineqareersimanissaat kissaatigaara.